



## Èl piemontèis e ij cit – prima part

di Gianni Davico

<http://giannidavico.it/gopiedmont/>



Ij cit a son un dij pilastr – probabilment èl pì important – për ten-e viva nòsta lenga. E sòn përchè nòsta lenga a vivrà mach se – *mach se* – i la parleroma ai nòsti cit.

Lesje e parleje an piemontèis ai cit a l'é donca na bela ròba, e për noi e për lor, ma a va fàita a na condission: che na vira ch'as sern na lenga cola lenga a ven-a dovrà sempre, nen minca tant, dèsnò i foma 'd mès-cètte ch'a finisso pì nen. Donca s'ì sernoma 'd parleje an piemontèis fomlo sempe, second èl prinsipi *une langue une personne*: a l'é amportant che un cit a senta sempe na midema lenga da un midem grand. Sòn a servirà a giutelo a chërse bilengh. E 'l bilenghism a l'é un vantage për èl mèstè dl'avni, qual ch'a sia, dal moment che a permèt d'amprende pì facilment d'autre lenghe. E

lassoma pura fòra 'l piemontèis, ma a podran ij nòsti cit permètse 'd nen conòsse pì che da bin l'inglèis? Bin, èl piemontèis mostrà e lesù com ch'as deuv a serv èdcò a sòn.

Ma amprende n'àutra lenga a l'é nen mach un vantage, a l'é un piasì e un divertiment. N'àutra lenga a l'é automaticament na coltura diferen-



ta, na richèssa che gnun a podrà mai gaveje a la pèrson-a ch'a l'ha.

Ma 'd pì, chi ch'a perd soa lenga ancestral a perd ant l'istess temp soa identità, e a riva a na mira che a sa pì nen chi ch'a l'é. Donca, bele se costa lenga a dovèissa mai serve a gnente da na mira pratica, mach èl fàit èd definì n'identità a l'é già na question fondamentale.

Èl piemontèis a rapresenta donca 'l present e l'avni, nen mach èl passà. E ij benefissi për ij cit a son tanti.

Ma come procuresse ij liber an piemontèis? Ambelessì a segue a-i é na sernia 'd librerie 'd Turin:

- Piemonte in Bancarella: cors Siccardi 4, tel. 011 53.39.32
- Dora Grossa: via Garibaldi 11 bis
- Piemontese Centro Audiovisivi: via S. Second 11/G, tel. 011 54.48.19

Tute e tre a son specialisà an sèl piemontèis e donca bin fornì 'd liber èdcò për ij cit.

Dzora Internet:

- Gioventura Piemontèisa (<http://www.gioventurapiemontesa.net/>): sit che a arpòrta un perfond èd ròbe piemontèise e a dà la possibilità 'd caté ij liber stampà da lor (l'associassion a l'é cò ca editris) diretament.
- IBS (<http://www.ibs.it/>): a l'é un sit generalista ma bin fornì.
- Astilibri (<http://www.astilibri.com/>): sit specialisà an sèl Piemont.

Èl mèis ch'a-i ven i darai na lista 'd liber e CD për ij cit. E se antratant quàich pare, mare e/o grand a veul conté soa esperiensa 'd letura an piemontèis con ij cit, i sarai bin content èd parlene ambelessì. Ch'a mè scriva dèsgenà: [davico@tesietesti.it](mailto:davico@tesietesti.it).

*Bar Caffè*  
**LO SPUNTINO**  
RISTORANTE e PIZZERIA

**PIZZERIA CON IL CAROSSELLO DEI GUSTI**

Via Padana Inferiore, 26  
10020 Riva Presso Chieri (TO)  
**Tel. 011 946 83 62**  
[ristorantespuntino@libero.it](mailto:ristorantespuntino@libero.it)

**PIZZERIA  
RISTORANTE APERTO**  
a pranzo con menù fisso  
a cena con menù alla carta

AperitivoPranzoCena AperitivoPranzoCena AperitivoP